

33* in ordenanza tutte, et il capitano Zorzi todesco fense fusse venute lettere di l'Imperador, et andò in Campo Marzo, et poi ritornò in Consejo, qual ancora non era risolto. *Item*, per do' messi, ha aviso quelli di Verona non li vol dar danaro aleuno, et li soldati, non havendo danari, vol darla a chi li darà danari; sichè tuto ozi è slà Consejo suso. Scrive ozi è partito il Gran seudier per Franza, signor Galeazo di San Severino, qual ha fato gran oferte far con el Re etc. Lui Provedador ha scritto a l'orator nostro, e sarà bon la Signoria *etiam* scriva al dito orator qualche parola. *Item*, ha ricevuto lettere di 12, che si manderà danari ad Albarè per pagar le zente d'arme. Scrive le zente d'arme sono li ad Albarè, et *solum* è a Povejan col Governador la compagnia fo del governador Bortolamio (*Alviano*); per tanto bisognerà mandar il Pagador e Colateral li ad Albarè a pagarli. Ha scritto al Provedador li mandi *solum* ducati 100 dil resto, paga le zente e la compagnia fo dil signor Bortolamio compie la ferma, è bon dirli non si vol più pagar a questo modo. Aricorda li pagamenti di 6000 venturieri di francesi, li qual *omnino* bisogna pagarli. *Item*, risolversi presto, perchè l'importa.

Dil Governador zeneral, date a Povejan, a dì 14. Zercha li fanti dimanda il provedador Gradenigo, si seusa non averne. Scrive la gran penuria è a Verona, e pol durar poco non vengi soto la Signoria nostra. Non scrive dil nontio di l'Archiduca etc. Et come la compagnia dil signor Marco Antonio Colona ha mandato a dimandar salvo conduto per partirsi a monsignor di Lutrech; per opinion sua non ge l'averia dato, etc.

Dil provedador Gradenigo, date ad Albarè a dì 15, hore una. Zercha la lettera drizata al collega suo, con li danari si li manda etc. Scrive come Malatesta Bajon è partito, senza licentia, fino Luni, per venir a la Signoria; qual per avanti ge la domandò, e lui lo persuase a restar, hessendo fama i nimici doveano ussir di Verona, et la compagnia sua è in desordene, sicome ha inteso dal suo canzelier; bisogna però temporizar con lui. *Item*, per uno ussito ozi di Verona, ha come Luni, fo a dì 13, si fece il consejo di lanzinech e spagnoli in Campo Marzo, quali voleano raynes 60 mila, et volendo chiamar il Consejo di XII il conte di Cariati, li provedadori di la terra risposeno bisogna chiamar il Consejo *etiam* di 72. Et cussi Marti, fo eri, fo chiamato dito Consejo e deteno salvoconduto al conte di Chariati, era in Castello vecchio, venisse al Consejo; qual fin hore 19 steleno, et cussi

etiam erano li fanti nel Consejo loro, et il capitano Zorzi era li. Et par quelli dil Consejo rispondeseno non haver modo di pagarli, et haver pagà assa' cose et erano ruinati: *unde* il conte Maregolà e do altri cittadini voleano si tolesse li danari da chi li havea; ma non volseno far, et cussi fo risolto il Consejo senza deliberation. Et par la terra sia in bona disposition verso la Signoria nostra, excepto li tre sopraditti; et inteso il conte di Cariati aver ditto, l'Imperador non è modo possi più proveder a quella città etc.

Di sier Zuan Vituri provedador di stratioti e cavali lizieri, date a Trignago, a dì 15 hore 17. Come, per uno explorator stato in Verona, qual andò Domenega, referisse Luni a dì 13, fo chiamà il Consejo etc. E di uno capitano Zorzi et capitano Redolfo todeschi, qual pocho mancò non fusseno morti da loro propri fanti. *Item*, manzano pan di segala con mistura di terra dentro e di semola, che è cativissimo; sichè per forza la terra convien prender partito etc.

Scurtinio di Avogador extraordinario.

- Sier Giacomo Antonio Tiepolo, è di Pregadi, qu. sier Mathio, el qual, oltra ducati 100 donò per Pregadi, dona ducati 300 dil suo imprestado et promete prestar ducati 600 e il don . . . 33.98
- † Sier Gabriel Venier qu. sier Domenego da San Zuan Digolado, il qual oferse ducati 1200 e dona il don; di qual ha portà contadi ducati 700 e il resto darà *immediate* 107.25
- Sier Beneto Zorzi, el camerlengo di Comun, qu. sier Hironimo el cavalier, il qual oferse ducati 1200 e dona il don; di qual portò ducati 100 contadi, e promete da matina dar il resto . . . 73.59
- Sier Piero Antonio Morexini, è podestà e capitano a Bassan, qu. sier Justo, ducati 1200, e dona il don, e li porterà di subito

Podestà a Conejan.

- Sier Zacharia Trivixan, l'avocho grando, qu. sier Beneto el cavalier, ducati 500 e il don 46. 85